

Broj 12/01-05-2333/13
Sarajevo, 28.02.2013. godine

SKUPŠTINA KANTONA SARAJEVO

(Ovdje)

VLADA KANTONA

(Ovdje)

Zastupnik Nabil Naser na 24. Radnoj sjednici Skupštine Kantona Sarajevo, održanoj 11.02.2013. godine, u okviru tačke Dnevnog reda „Poslanička pitanja, inicijative i odgovori“ pokrenuo je slijedeću inicijativu prema Vladi Kantona Sarajevo i Ministarstvu kulture i sporta Kantona Sarajevo:

„da pod hitno preduzmu potrebne korake radi konkretne finansijske pomoći Zemaljskom muzeju i ostalim institucijama kulture“

U odgovoru na navedeno pitanje ističemo slijedeće:

Ministarstvo kulture i sporta Kantona Sarajevo podržava Inicijativu zastupnika Nasera Nabila, kao što je uvijek podržavalo Inicijative poslanika/zastupnika ove Skupštine, kao i inicijative svih ostalih, da se finansiranje Zemaljskog muzeja, Nacionalne univerzitetske biblioteke i drugih državnih institucija kulture: Kinoteka Bosne i Hercegovine, Muzej književnosti i pozorišne umjetnosti Bosne i Hercegovine, Historijski muzej Bosne i Hercegovine, Umjetnička galerija Bosne i Hercegovine, Biblioteka za slijepa i slabovidna lica Bosne i Hercegovine riješi na državnom nivou zajedno sa rješavanjem njihovog pravnog statusa.

Ministarstvo je putem Vlade Kantona i Skupštine Kantona u prethodnom mandatu ovakve inicijative upućivalo Vijeću Ministara Bosne i Hercegovine, jer se radi o institucijama od državnog značaja.

Napominjemo da postoji zaključak ranijeg sastava Predsjedništva kojim se zadužuje Vijeće ministara da zajedno sa entitetskim vladama riješi status ovih institucija.

Kanton Sarajevo je putem Ministarstva kulture i sporta od 1997. godine privremeno sufinansirao ove institucije dok se status i finasiranje državnih institucija ne riješe od strane države Bosne i Hercegovine.



web: <http://mks.ks.gov.ba>

e-mail: mkis@ks.gov.ba;

mkis_kabinet@ks.gov.ba

Tel/fax: + 387 (0) 33 562-062

Sarajevo, Reisa Džemaludina Čauševića 1



To «privremeno» sufinansiranje je trajalo sve do 2001. godine u iznosima od cca 2.500.000 godišnje što je praktično umanjilo ukupna sredstva za finansiranje 13 javnih ustanova kulture nad kojim Kanton Sarajevo vrši osnivačka prava i to: Narodno pozorište, Kamerni teatar 55, Pozorište mladih, Muzej Sarajeva, Istoriski arhiv Sarajevo, Biblioteka Sarajeva, Kantonalni zavod za zaštitu kulturno-historijskog i prirodnog naslijeđa Sarajevo, Sarajevska filharmonija, SARTR- Sarajevski ratni teatar, MES – Međunarodni teatarski i filmski festival Sarajevo, Collegium artisticum, Bosanski kulturni centar, Sarajevo art, kao i veliki broj udruženja i kulturno umjetničkih društava.

U 2002. godini finansiranje ovih institucija preuzima Federalno ministarstvo kulture i sporta, a Ministarstvu kulture i sporta Kantona Sarajevo se sredstva u iznosu od cca 1,5 miliona KM za tu namjenu ukidaju iz Budžeta.

U 2004. godini Federalno ministarstvo kulture i sporta prestaje finansirati državne institucije kulture i počinju se voditi aktivnosti da sa dijelom sredstava učestvuje i Vijeće ministara BiH.

U periodu 2004. - 2008. godina, Ministarstvo kulture i sporta Kantona Sarajevo čini napor i ponovo uzima sredstva od kantonalnih javnih ustanova kulture i stalnih programa i za rad državnih institucija kulture godišnje izdvaja cca 1.000.000,00KM., a nakon pada Budžeta Ministarstva kulture i sporta za 30%, u periodu 2009. - 2012. godina, izdvaja cca 414.600,00 KM, plus što i Ministarstvo obrazovanja, nauke i mladih za nacionalnu i univerzitetsku biblioteku Bosne i Hercegovine izdvaja u tom periodu cca 250.000,00 KM godišnje.


Kanton Sarajevo, iako nije u obavezi, jer se ne radi o institucijama na kantonalnom nivou i kojima je osnivač Kanton, planira da finansira državne institucije kulture tokom 2013. godine iznosom od 328.700,00 KM godišnje.

Ove primjedbe smatramo potporom Budžetu Ministarstva kulture i sporta, jer bi bilo nedopustivo da se i dalje umanjuju sredstva institucijama kulture, kako kantonalnim tako i državnim, jer one najbolje i najreprezentativnije štite identitet svih naroda i građana koji ovdje žive.


S poštovanjem,

Prilog: 1. Poslanička Inicijativa

2. Kopija Izvoda iz Nacrtta Budžeta Kantona Sarajevo



Bosna i Hercegovina
Federacija Bosne i Hercegovine
KANTON SARAJEVO



Bosnia and Herzegovina
Federation of Bosnia and Herzegovina
CANTON SARAJEVO

Broj: 01-05-2333/13
Sarajevo, 12.02.2013.godine

VLADA KANTONA SARAJEVO
n/r premijera

MINISTARSTVO KULTURE I SPORTA
n/r ministra
SARAJEVO

Zastupnik Nabil Naser na 24.sjednici Skupštine Kantona Sarajevo, održanoj dana 11.02.2013.godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovnikom Skupštine Kantona Sarajevo, pokrenuo je inicijativu prema Vladi Kantona Sarajevo i Ministarstvu kulture i sporta "da pod hitno poduzmu potrebne korake radi konkretne finansijske pomoći Zemaljskom muzeju i ostalim institucijama kulture." Zastupnik je inicijativu dostavio u pisanoj formi. Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo („Službene novine Kantona Sarajevo“- Drugi novi prečišćeni tekst, broj 41/12), u pisanim obliku, obavijestite Skupštinu o učinjenom.

PRILOG: Inicijativa zastupnika Naser Nabila

CO:


-sekretar SKS
-sekretar Vlade Kantona

PREDsjEDAVAJUĆA
SKUPŠTINE KANTONA SARAJEVO

M. Malic
Prof. dr Mirjana Malic



<http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Poslanička inicijativa

Zemaljski muzej u Sarajevu već duže vrijeme ne radi, a u podjednako teškoj situaciji nalaze se gotovo sve kulturne i umjetničke institucije u našoj zemlji čiji je osnivač svojevremeno bila Skupština SR BiH. Zemaljski muzej, Istoriski muzej, Narodna i univerzitetska biblioteka BiH, Umjetnička galerija BiH, Kinoteka i Biblioteka za slijepa i slabovidna lica godinama djeluju bez finansijera, pa se danas nalaze na rubu opstanka. Zbog takve situacije vrata Muzeja danas su zatvorena, a znanstveni radnici koji su u njegovim prostorima godinama stvarali duhovnu povijest ove zemlje našli su se na ulici. A riječ je o najstarijoj naučnoj instituciji - 125 godina postojanja, koja se s pravom smatra bitnim atributom bosanskohercegovačke državnosti. Naravno, ovakva sramotna situacija je u civiliziranim državama nezamisliva.

Pokušaj da se krivcima za takvo stanje proglose uprave Muzeja i ostalih spomenutih institucija zbog njihove neprilagođenosti ekonomskim zakonitostima tržišne privrede, čak i kada bi bili više ili manje utemeljeni, ne bi mogli oslobođiti državne vlasti obaveze stvaranja uvjeta za njihovo djelovanje. Uostalom, kao legitimni nasljednici njihovih osnivača, te su vlasti odgovorne i za kadrovska rješenja u rukovođenju ustanovama od državnog značaja, koje nigdje u civiliziranom svijetu nisu prepustene nekontroliranom djelovanju tržišta.

Takva situacija je logična posljedica djelovanja one političke koncepcije koja se sistematski suprotstavlja svakom pokušaju da se država uspostavi u svom punom obimu, kako bi na tome gradila argumentaciju da je, kao takva, i sama država BiH neodrživa.

S obzirom da Kanton Sarajevo uvijek predstavlja simbol i atribut državnosti Bosne i Hercegovine, ljubazno molim Vladu KS i Ministru Kulture i sporta da pokažu odvažnost i hrabrost i da pod hitno poduzmu potrebne korake radi konkretne finansijske pomoći Zemaljskog Muzeja i ostalih spomenutih institucija.

Doc.dr. sci. Naser Nabil, SBB BiH

Sarajevo, 11.02.2013



MINISTARSTVO KULTURE I SPORTA

Raz.	Glava	Potr. jed.	Ekon. kod	Sub-analitika	OPIS	Budžet Kantona Sarajevo za 2012. g.	Kanton Sarajevo za 2013. g.	Od toga iz Budžeta	Od toga iz prihoda korisnika	Od toga:	Procjena Budžeta Kantona Sarajevo za 2014. g.	Procjena Budžeta Kantona Sarajevo za 2015. g.		
						1	2(3+4)	3	4 (5+6+7)	5 Sopstveni	6 Donacija	7 Transfer	8	9
22	01	0001	614300		MINISTARSTVO KULTURE I SPORTA									
22	01	0001	614300		Transferi neprofitnim organizacijama	7.514.100	6.032.500	6.032.500	-	-	-	-	3.609.700	4.258.00
					Udruženja - od toga:									
					MAN006 -"Preporod" Bošnjačka zajednica kulture	357.800	287.800	287.800	-	-	-	-		
					MAN009 -"Napredak" Hrvatska zajednica kulture	80.500	64.400	64.400	-	-	-	-		
					MAN010 -"Prosvjeta" Srpsko kulturno društvo	70.400	56.300	56.300	-	-	-	-		
					MAN062 -"La benevolencija" Jevrejsko kulturno društvo	26.800	21.400	21.400	-	-	-	-		
					MAN063 -"Cankar" Slovensko kulturno društvo	7.600	6.100	6.100	-	-	-	-		
					MAN064 -Udruženje likovnih umjetnika BiH	4.000	4.000	4.000	-	-	-	-		
					MAN065 -Udruženje likovnih umjetnika primjenjene umjetnosti BiH	18.100	14.500	14.500	-	-	-	-		
					MAN066 -Udruženje filmskih radnika	18.100	14.500	14.500	-	-	-	-		
					MAN067 -Društvo pisaca BiH	18.100	14.500	14.500	-	-	-	-		
					MAN068 -PEN Centar	18.100	14.500	14.500	-	-	-	-		
					MAN070 -Muzički kulturni centar Roma "Romano Jagako Ilo"	3.100	3.100	3.100	-	-	-	-		
					MAN078 Druga nacionalna društva nacionalnih manjina i ostalih	3.000	2.400	2.400	-	-	-	-		
					MAN071 -Savez izviđača Kantona	9.100	7.300	7.300	-	-	-	-		
					MAN072 -Kantonalni sportski savez invalida	12.100	9.700	9.700	-	-	-	-		
					MAN074 -Asocijacija sjedeće odbojke Kantona	12.100	9.700	9.700	-	-	-	-		
					MAN075 -Sportski savez BiH	19.600	15.700	15.700	-	-	-	-		
					MAN076 - Asocijacija vrhunskog autosporta 24	7.600	6.100	6.100	-	-	-	-		
					MAN079 -"Urban etno"	3.800	3.000	3.000	-	-	-	-		
					MAN080 UG "Princes krofne"	7.600	6.100	6.100	-	-	-	-		
					Transferi institucijama kulture - od toga:	2.898.300	2.338.100	2.338.100	-	-	-	-		
					MAN001 Plate i mat. troškovi biblioteka Vogošća	26.100	20.900	20.900	-	-	-	-		
					MAN002 Plate i mat. troškovi biblioteka Ilidžaš	22.400	17.900	17.900	-	-	-	-		
					Sufinansiranje institucija od državnog značaja	414.600	328.700	328.700	-	-	-	-		
					MAN0D1 Žemaljski muzeji	168.600	134.900	134.900	-	-	-	-		
					MAN0D2 Muzej književnosti i pozorišne umjetnosti	38.300	30.600	30.600	-	-	-	-		
					MAN0D3 Historijski muzej BiH	62.200	46.800	46.800	-	-	-	-		
					MAN0D4 Umjetnička galerija BiH	51.300	41.000	41.000	-	-	-	-		
					MAN0D5 Biblioteka za slijepa i slabovidna lica BiH	67.100	53.700	53.700	-	-	-	-		
					MAN0D6 Kinoteka BiH	27.100	21.700	21.700	-	-	-	-		
					MAN004 JU Centar za kulturu Sarajevo	33.500	26.800	26.800	-	-	-	-		
					MAN007 Biblioteka HKD "Napredak"	23.400	18.700	18.700	-	-	-	-		
					MAN008 Biblioteka "Preporod"	15.900	12.700	12.700	-	-	-	-		
					MAN015 Biblioteka SPKD "Prosvjeta"	14.000	11.200	11.200	-	-	-	-		